

B O S N A I H E R C E G O V I N A  
F E D E R A C I J A B i H  
Z E N I Č K O - D O B O J S K I K A N T O N  
G R A D Z E N I C A

Služba za socijalnu zaštitu, stambene poslove i društvene djelatnosti

Broj: 07-*INT* /23  
Zenica, 30.05.2023. godine

STRUČNA SLUŽBA GRADSKOG VIJEĆA

**Predmet:** Stav Službe, Izvještaj o radu Javnog preduzeća RTV Zenica za 2022. godinu,  
- dostavlja se

Shodno nadležnostima sadržanim u Statutu Grada Zenica, Odluci o osnivanju Javnog preduzeća i ovlaštenjima po Zakonu o javnim preduzećima, Služba je razmotrila Izvještaj o radu JP "RTV Zenica", te nakon analize i ocjene navedenih dokumenata konstatuje da je Izvještaj o radu JP „RTV Zenica“ d.o.o. Zenica u 2022. godini sačinjen prema predloženoj metodologiji i daje detaljnu i preciznu sliku o radu i poslovanju ovog Javnog preduzeća.

Javno preduzeće RTV Zenica organizovano je kao društvo sa ograničenom odgovornošću, sa 67,5% državnog i 32,5% privatnog kapitala. Osnivač javnog preduzeća je Grad, odnosno tadašnja Općina Zenica i mali udjeličari. Osnovna djelatnost je proizvodnja, prijenos i emitovanje radijskog i televizijskog programa, namijenjenog javnosti.

RTV Zenica ima tri medija – Radio, Televiziju i web stranicu „zenicainfo.ba“, a zastupa je direktor i jedini član Uprave.

Organi Društva su:

- a) Skupština koju čini svih 20 članova Društva, a većinski vlasnik je Grad Zenica
- b) Nadzorni odbor sastavljen je od tri člana
- c) Uprava koju predstavlja direktor

RTV ZENICA još nema imenovan Odbor za reviziju.

Osnovna djelatnost JP RTV Zenica je proizvodnja, prijenos i emitovanje radio i televizijskog programa, namijenjenog javnosti. U 2022. godini JP RTV Zenica je ispunila svoju osnovnu funkciju, a to je pružanje audio i audio-vizuelnih usluga i online sadržaja od javnog interesa.

Svi finansijski izvještaji JP RTV Zenica, kako je navedeno u izvještaju revizijske kuće, za obračunski period 01.01.2022.-31.12.2022. godine, u potpunosti su urađeni u skladu sa Zakon o računovodstvu i reviziji Federacije BiH, uz primjenu Međunarodnih računovodstvenih standarda i Međunarodnih standarda finansijskog izvještavanja.

Ostvareni ukupan prihod u periodu 01.01.2022. do 31.12.2022. godine iznosi 1.397.952,00 KM.

Ostvareni ukupni rashodi u obračunskom periodu, od 01.01.2022. do 31.12.2022. godine iznose 1.369.872,00 KM.

U navedenom obračunskom periodu, najveći rashodi su „troškovi plaća i ostalih ličnih primanja“, u iznosu od 784.618,00 KM, što je 57,3 % ukupnih rashoda.

RTV Zenica je, u ovom izvještajnom periodu, ostvarila pozitivan rezultat poslovanja i iskazala dobit u iznosu od 28.079,86 KM.

Sa 31.12.2022. godine broj zaposlenih je bio 32, te direktor koji je zaposlen na mandatni period od četiri godine.

Kad je u pitanju kvalifikaciona struktura, od ukupnog broja zaposlenika njih sedam je sa visokom stručnom spremom, jedno sa višom stručnom spremom, dvoje VK, te 20 sa srednjom stručnom spremom, odnosno tri KV radnika.

U 2022. godini JP RTV Zenica je već tradicionalno tehnički realizator i nosilac organizacije dva festivala, ljetnog "Zenica Summer Fest" i zimskog "Zenica Adventure", čiji je glavni organizator i pokrovitelj Grad Zenica.

Televizijske emisije, koje su emitovane tokom 2022. godine su: Centralna informativna emisija ZenicaInfo, zatim nove emisije „Aktuelno“, „Iz mlade zjenice“ i „Mali, a veliki“, te emisija „Selu u pohode“, „Zeničke priče“.

Na osnovu Izvještaja Nezavisnog revizora RTV Zenica je dobila "mišljenje s rezervom", zbog kako u izvještaju stoji, neriješenih imovinsko-pravnih odnosa nad nekretninama koje su im ustupljene na korištenje od Grada Zenica prije 23 godine, odnosno zbog korištenja službenih prostorija na obje lokacije bez odluke ili ugovora nad nekretninama.

Saradnja Službe sa menadžmentom Ustanove je dobra u smislu pristupačnosti, međusobne komunikacije i realizacije osnivačkih obaveza.

Cijeneći sve navedeno, a s obzirom na prezentirane pokazatelje o radu, rukovođenju, upravljanju i nadzoru nad radom Preduzeća, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JP „RTV Zenica“ za 2022. godinu na razmatranje.

S poštovanjem,

#### PRILOG:

1. Izvještaj o radu i poslovanju JP "Radio-televizija Zenica" d.o.o Zenica za 2022.godinu
2. Finansijski izvještaj za 2022. godinu sa izvještajem ovlaštenog revizora
3. Odluka o prijedlogu raspodjele dobiti za 2022. godinu
4. Odluka Nadzornog odbora o usvajanju Finansijskog izvještaja o poslovanju u 2022. godini

#### DOSTAVLJENO:

- 1 x Naslov
- 1 x a/a



Pomoćnica Gradonačelnika  
Sumeca Mujkanović